

Gaiq Daih Cibngeih Fei Yaudungh Yozsuz Swhsiengj Yenzdaujvei Youq Laizbinh Guh

9 nyied 18 hauh daengz 21 hauh, Gaiq Daih Cibngeih Fei Yaudungh Yozsuz Swhsiengj Yenzdaujvei youq Laizbinh guh, aen hoih youz Sanghaij Dayoz cawjbanh, Minzmungz Gvangsih Gihveij、Laizbinh Siveij Dungj-canbu、Laizbinh Si Minzcunghveij、Ginhsiu Yenveij、Minzmungz Sanghaij Sihveij —— Sanghaij Dayoz Fei Yaudungh Yozsuz Swhsiengj Yenzgiu Cunghsinh daengj danhvei ciepbanh. Yenzdaujvei aeu “byagim raemxgyaeu • ndeindei caemhdoh” guh cawjdaez, 90 lai boux conghyah yozcej gauhyau、mizgven danhvei lingjdauj daj ndaw gih rog gih daeuj Laizbinh doxcomz, geiqniemh Fei Yaudungh sienseng hainduj haeuj mbanj diucaz Dayauzsanh 90 hopbi, gyaepa rizdin yozsuz Fei Yaudungh sienseng, damqra gyauhliuz gij yenzgiu cwngzgoj caeuq gij gyaciz dangdaih yozsuz swhsiengj de, coenghrenz dieg minzczuz henzguk engq ndei hwngfat.

Aen hoih yungh gij hingzsik “cawj yenzdaujvei + 6 aen diuyenz lwnhgangj” bae guh. Gwnz hoih, gyoengq conghyah Cunghyangh Dangjyau、Cunghgoz Sevei Gohyoz Yen、Bwzgingh Dayoz、Cunghyangh Minzczuz Dayoz、Sanghaij Dayoz、Gvangsih Gij Eiqsik Cunghvaz Minzczuz Ranz Vunz Ndeu Yenzgiu Yen faenbied gangj vah, gyoengq conghyah yungzhab ndei gij yozsuz swhsiengj Fei Yaudungh caeuq gij hong saedguh couqmaenh gij eiqsik Cunghvaz Minzczuz ranz vunz ndeu, neiyungz miz swhsiengjsing caeuq yienhsaed gyaciz, vih doidoengh hwnqguh Cunghvaz Minzczuz ranz vunz ndeu dwk roengz lijlung giekdaej maenhsaed.

6 aen diuyenz lwnhgangj cix faenbied hopheux cawjdaez “Fei Yaudungh caeuq Minzmungz” “dauqyawj caeuq haigvangq yozsuz yizcanj Fei Yaudungh” “gij meg swnj ciuhneix diucaz Dayauzsanh” “gij minzczuz lijlung caeuq saedguh Fei Yaudungh” “gij lijlung caeuq saedguh couqmaenh gij eiqsik Cunghvaz Minzczuz ranz vunz ndeu” “‘song bya’ lijlung caeuq gij saedguh yendaiva yiengh Cungguk Dayauzsanh”, gij conghyah yozcej daj gak dieg daeuj haenx faenyienj yenzgiu cwngzgoj、gyauhliuz gingniemh saedguh, haeujlaeg damqcaz.

Hai hoih gaxgonq, gyoengqvunz cam hoih daengz Vujsenh Yen Dunghyangh Cin dieg gaeuq Gveicungh Daih’ it Cihbu、Siengcouh Yen Yin’gyangh Singz Ciuhgeq、Siengcouh Yen Bwzcang Yangh Mbanjbwzcang、yienhciengz canj meijsuz cozbini Minzmungz mungz-yenz geiqniemh Fei Yaudungh haeujmbanj diucaz 90 hopbi daengj dieg diuyenz, dauqungz byaij diuz roen Fei Yaudungh sienseng haeujmbanj diucaz, saeddeih gamjsouh Laizbinh Si gij hwngfat bienvraq minzczuz vwnzva baujhoh cienziep、lajmbanj saenqhwngh daengj fueng-mienh.

(Se Liengzyij/谢梁雨)

Yungzsuij: “Bitmaeg Hoengzheu • Cingz Yien Mungvuh” Vwnzyi Haeuj Dieg Baeyouz Sijfap Iucingjanj Haiguh

9 nyied 14 hauh, Yungzsuij Myauzczuz Swciyen youq Mungvuh Mbanjmyauz guh “bitmaeg hoengzheu • cingz yien Mungvuh” vwnzyi haeuj dieg baeyouz sijfap iucingjanj, gyoengqvunz daj hagdangz、gihgvanh、yanghcin、vunzlai guh hong vwnzyi caeuq Liujcouh Minzczuz Suhvayen daeuj haenx gungh 40 lai vunz camgya hozdung. Baez hozdung neix baij ok gaenh 30 fuk sijfap cozbini ndei, yungh gij yisuz sijfap hawj Mwnghvuh Mbanjmyauz Dieg Baeyouz engq miz yinxdaeuz, hawj hekyouz roxnynh yawj gingj ndei caeuq yawj sijfap ndei.

(Suh Gveicungh/苏贵忠 Vuh Gezmingz/巫杰明 Siz Gveiz/石奎)



▲ Gincung cazyawj sijfap cozbini. Vuh Gezmingz ingj



▲ Hozdung doenggvaq biujyienj guh senhconz. Lij Gohmingz ingj

Hocouh: Gaiq Daih Ngeihcib Bet Cou Senhconz Daengx Guek Doigvangq Vahbujdungh Haidoengh

9 nyied 15 hauh, Hocouh Si Bingzgvei Gih Gaiq Daih Ngeihcib Bet Cou Senhconz Daengx Guek Doigvangq Vahbujdungh youq Vanggauh Cin guh. Doenggvaq vwnzyi biujyienj、fat senhconz swhliu daengj hingzsik, doidoengh bujgiz caeuq wngqyungh Vahbujdungh, cau’ ok gij heiqfaenh sevei naekna “gangj Vahbujdungh、yungh cihsaw gveihfan”.

(Lij Gohmingz/李科鸣 Loz Caij/罗彩 Lij Hungzcingh/李虹青)

Mungzsanh: Ndwenbet Guh Bingjronghndwen Hwnjhaw Gai

9 nyied 16 hauh, Mungzsanh Yen gyoengq gunghyinz youq ndaw ranz gyagoeng gigwn guh bingjronghndwen, baenz buenz baenz buenz bingj laebdaeb guhbaenz. Bet nyied cibngux yaek daengz, Mungzsanh Yen gak aen cangj gyagoeng gigwn comz rengz guh bingjronghndwen gung hawciengz aeuyungh.

(Vangz Swnglinz/黄胜林)



▲ Bouxguhghong hawj bingjronghndwen cat youz.